



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **De Collegiis Canonicoꝝ Per Germaniam, Belgivm, Galliam, Hispaniam, Italiam, Aliasqve Orbis Christiani Prouincias, Liber Singvlaris**

**Le Mire, Aubert**

**Coloniae Agrippinae, 1615**

Capvt LXIV. Thorense Collegivm Canonissarum & Canonicoꝝ, in d.  
Leodiensi.

**urn:nbn:de:hbz:466:1-11227**



## CAPVT LXIV.

THORENSE COLLEGIVM CANONISSARVM & CANONICORVM, in d. Leodiensi.

**A**Nfridus, secundum seculi dignitatem Comes Teysterbandiæ, Bratuspantiæ, & Hoyensis, & Dominus de Altenæ, vxorem habuit *Hilsmondam*; qui postea diuino nutu in XVIII. Episcopum Ultraiectensem promotus, construxit in loco *Hohorst*, prope Amorsfordiam monasterium ordinis sancti Benedicti, in honorem Dei genitricis Mariæ, tulitque duodecim monachos ex S. Viti Martyris Gladbacensi cœnobio, & instituit VVeringerum, doctum pariter & pium, primum Abbatem, & liberalissimè dotaui, anno 1006. Idem Anfridus habitum religionis in monte S. Mariæ suscepit, & vitam deuotissimè finiuit anno CIJ. VIII. vel vt aliqui volunt CIJ. IX. Itaque VVeringerus Abbas fuit in monte sancto, & claruit anno CIJ. XXVIII. cui Anfridus Episcopus multa bona, vt supra dictum est, tradidit, & Adelboldus itidem Episcopus decimas.

Adelbertus II. Abbas in monte sancto claruit anno CIJ. L. Huic Bernoldus seu Bernulphus Episcopus varia dedit bona; idemque monasterium in urbem Ultraiectinam transtulit anno Domini CIJ. L.

Geruicus III. Abbas, & primus monasterij  
S. Pau-



S. Pauli, claruit anno CIJ. CXVI. sub Burcardo & Godebaldo Episcopis.

Bartoldus II. Abbas S. Pauli claruit sub Godebaldo Episcopo, anno CIJ. C. XVII, & sic alij ex ordine Abbates, vsque ad Gerardum à Mierlo, qui XXXVI. Abbas, obiit anno CIJ. IJLXXXIV.

Quod ad Thorense monasterium Anfridi pariter opibus fundatum attinet, est illud hodie nobilissimarum virginum Canoniarum illustre ac potens collegium, in vico Thoren, qui sesquimilliarj distat à Maseica ditionis Leodiensis ad Mosam fl. opido, fixam habens sedem. Quibus quidem virginibus, in sacris muneribus obeundis subseruiunt sex Canonici sæculares, amplissimè itidem dotati. De Thorensis huius monasterij initijs ita legitur in Chronico Leodiensi, à monachis Aureæ vallis conscripto: *Ab Anfredo Comite, de consilio Notgeri Episcopi Leodiensis fundatum est cœnobium monialium in villa, quæ dicitur Turne, quam tenet Comes Brabantinus à Leodiensi Episcopo. Hic Anfredus in Episcopum Traiecti per Deum electus, suam coniugem Hilsindem in Turne constituit; vbi filia eorum Benedicta primò regimen animarum sub regula B. Benedicti suscepit: ibique sepulta sunt. Notgerus Comitatum Hoyensem Leodiensi Ecclesie ab Anfredo Comite acquisiuit, & ea quæ, Otho Imp. habebat ibi, acquitauit Episcopo, & annulo priuilegium sigillauit.*